



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Ervditione Religiosorum

Humbertus <de Romanis>

Ingolstadii, 1591

VD16 H 5888

2. Quod multa sint reditum ad seculum disuadentia.

[urn:nbn:de:hbz:466:1-50980](https://nbn-resolving.org/urn:nbn:de:hbz:466:1-50980)

Matth. 7.
Et 25.

à me qui operamini iniquitatem. Discedite à me maledicti in igné æternum. Discessus iste à Deo multum prouocat eius indignationem: cùm miser vermiculus Dominū maiestatis sine culpa eius dimittit. Solent magni Domini seruitores suos aliquādo dimittere: sed Dei benignitas seruiantes sibi non dimittit, nisi eum dimittant. Augustin. Nemo te amittit, nisi qui te dimittit. Magnitudo diuinæ indignationis aliquando ex hoc apparet, quòd Deus permittit apostatas in

Hier. 42.

tanta miseria esse in hoc sæculo. Conflabitur indignatio mea super vos, cùm ingressi fueritis Ægyptum. Apostatæ sunt arbores infructuosæ bis mortuæ. In canonica Iudæ: Mundo moritur cùm de sæculo egreditur: Deo moritur, cùm ad sæculum reuertitur. Fructum seu vtilitatem vitæ qua mundo viuatur, amittit in monasterij ingressu: vtilitaté vitæ qua viuatur Deo, in egressu:

Prouerb. 6.

& sic factus est homo inutilis. Iuxta illud: Homo apostata, vir inutilis.

*Quod multa sunt reditum ad seculum
dissuadentia.*

CAPVT II.

Ioan. 11.

Religiosus cui tentator suadet vt ad sæculum redeat, ista ad sui stabilimentum at- tendere debet. Saluator Lazarum ad vitam sæculi reuersurum plorat. Qui non plorauit moriturum, plorauit ad sæculum reuersurum. Magis expediret aliquibus mori, quàm ad sæculum reuertì, quia iuxta verbum Senecæ: Maius est periculum malè viuendi, quàm citò moriendi. Item

Matth. 27.

Saluator Iudæis suadētibus, vt de cruce descenderet,

deret, nullatenus acquieuit: neque motus pietate matris, cuius animam gladius passionis pertransibat: neque promissione Iudeorum qui dicebant, se in eum credere, si descenderet de cruce. Saluator etiam postquam de mundo recessit, licet aliquibus bonis ad confirmandam fidem resurrectionis apparuerit: mundo tamen immiscere se noluit. Multum timendum est ei, qui acquiescens Angelo magni consilij, terrena dereliquit: derelicto eius consilio in consilium impiorum abire, & ad ea redire, quę reliquit. *Despexi- Pro. 1.*
stis omne consilium meum, &c. Ego quoque in *Psal. 1.*
interitu vestro ridebo. Beatus vir qui non abiit in consilium impiorum. Infœlix verò qui abiit. Item multum terrere debet illum qui pœnitet, quòd terrena pro cœlestibus reliquit, quod legitur in vita B. Ioannis Euangelistę de duobus fratribus personis honoratis: qui audita eius prædicatione, suas possessiones vendiderunt, & pauperibus distribuerunt. Qui cùm quadam die viderent seruos quos habuerunt, diuites, & in habitu pretioso: se autem egentes, & in habitu vili: contristati sunt de hoc quod fecerant. Quo cognito, Ioannes virgis syluestribus in aurum commutatis, & lapidibus communibus mutatis in lapides pretiosos, dixit: *Ite & redimite vobis terras quas vendidistis, quia cœlorum præmia perdidistis. Et suscitans quendam iuuenem qui mortuus efferebatur: fecit quòd ipse illis fratribus annunciaret, quantam gloriam amiserant, & quantam pœnã incurrerant. Columba com- Gen. 8,*
perto quòd diluuium non cessasset, ad arcam rediit. Cùm ergo diluuium peccatorum in sæ-
culo

*In serm. de
quadrupli-
ci debito,*

Gen. 19.

Luc. 17.

Ibid. 9.

Exod. 15.

Gen. 26.

Hier. 42.

Matth. 2.

Apocal. 2.

culo incessanter sit, non videtur esse columbæ celestis, illuc redire, sed potius corui infernalis. Coruus ab arca emissus, non legitur ad arcam fuisse reuersus. Quem spiritus Dei in claustrum desertum duxit, credere debet spiritum malignum esse, qui reditum ad sæculum ei suadet: quia secundum Bernardum: Spiritus sanctus qui adduxit, non reducet: cum non sit in eo est & non: Angelica admonitio est ad Loth facta: Noli respicere post tergum tuum: nec stes in omni circa regione: sed in monte saluum te fac. Respicens autem vxor eius post se, conuersa est in statuam salis. Statua est corpus sine spiritu: similitudinem habens hominis, non veritatem. Sic respiciens ad ea quæ reliquit: similitudinem habet religiosi, non veritatem. Corpus habet in claustrum, cor in mundo. sic fit quædam statua: Hoc exemplo vitur Saluator, dicens: Memento vxoris Loth. Nemo mittens manum ad aratrum, & aspiciens retro, aptus est regno Dei. Filij Israel de manu Pharaonis liberati, pertransito mari rubro non redeunt in Ægyptum: sed de sua liberatione exultant, & laudant suum liberatorem. O quam fatuè egissent, si in Ægyptum rediissent. Ne descendas in Ægyptum. Nolite intrare in Ægyptum. Magi diuinitus edocti ad Herodem non redierunt, Saluatoris hostem. Ioseph etiam timuit redire ad locum vbi audiuit regnare Archelaum. Sic timendum est ei qui propriam salutem desiderat, redire ad mundum: vbi Satanas aduersarius salutis inter seruientes ei regnat & habitat, Scio vbi habitas, vbi sedes est Satanæ.

De